

## Karakter

Kurt Burgelman

Mlk worde wakker mee een haaten huufd  
De rest van maan laaf es precies verduufd  
De koamer droit een guul klaan beetse rond

Ik èwe beter dus maan uuge toe  
Maan moage droit, ik voele maa nie goe  
(‘k è )precies een duuje ratte in maanen mond

Van guul den tuug woare’k de gruuftsten held  
De loatsten Duvel é maa toch geveld  
Zuu zat, ‘k wiste nie dat da bestond

**Moar ‘k drenke nuunt niemier’  
t Was den allerloatste kier  
Vanaf nû blaave’k liever thuis  
Nie ‘k drenke nuunt niemier  
’t Was den allerloatste kier  
Ge kraag maa niemier uit maan huis  
En ‘k tuuge Karakter!**

Alles doe ziere, ‘k (ge)roake nie veuruit  
Maan huufd ontploft van elk geluid  
Maan èsses stoon precies op uldere kop

‘k è nogal moeite mee maan evenwicht  
ik zie der 100 joar uit, ’t es gien zicht  
en maan verstand, da zwem nog rond in ’t sop

Van guul ‘t café woare’k de gruuftsten held  
De loatsten dreupel é maa toch geveld  
Zuu zat, nuunt niemier, ik geef het op.

**Moar ‘k drenke nuunt niemier’  
t Was den allerloatste kier  
Vanaf nû blaave’k liever thuis  
Nie ‘k drenke nuunt niemier  
’t Was den allerloatste kier  
Ge kraag maa niemier uit maan huis  
En ‘k tuuge Karakter!**

Moar ‘k wete da den telefon goa goan  
En ze goan vroagen of da’k mee wil goan  
‘k è altaad al zuu moelaak ‘nieje’ gezaat  
Z’èn ’t op maan temp’rament gemunt  
Karakter es maan zwakste punt  
‘k ben toch maan geluufwirdighaad al kwaan... moar ‘k tuuge karakter...

**Allé nog iene kier  
Moar doarachter nuunt niemier  
Of ’t moe zijn dadde’t schuune vroagt  
Allé nog iene kier  
En doarachter nuunt niemier  
Of ’t es dadde andrengt (of) oas ge zoagt  
‘k è Gien karakter!**